



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : FANLING PUBLIC SCHOOL

学校名称 : 粉岭公立学校

Name of Play 剧名 : 疫情奇想曲

Script writer 剧作者 : 梁国雄主任、张淳雅老师

Synopsis 故事大纲:

疫情令人与人之间的关系产生了微妙的变化，也将怪兽家长一直坚持的「赢在起跑线」提升至另一境界。

一个梦，让女儿明白相互体谅和付出，能令家庭和谐；

一封信，让父母与女儿展开真情对话，打破家庭隔膜。

梁伯和舒澄告诉我们，彼此设身处地去想，耐心聆听对方感受，就是通往幸福之门的锁匙。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

【第一场】

(放学钟响起.....)

广播声：因疫情关系，教育局宣布全港学校停止面授课，同学由听日开始留系屋企学习，为咗自己同其他人嘅安全着想，记得尽量避免到人多挤逼嘅地方，并注意社交距离..... 老师再见、同学再见.....

(各人在不同的区域说出一些疫情下的学习态度)

同学 A：一张书枱、一部旧计算机、一对耳机、一盏台灯，我嘅疫情下嘅学习生活就嘅咁样开始。

同学 B：疫情就像一阵风，无声无息咁吹入我哋嘅生活，其后愈演愈烈，扰乱每个人嘅心神！

同学 C：望住老师、同学嘅面孔变成手机屏幕上一个个图标同名字，既熟悉又陌生。

同学 D：冇错呀，上堂、做功课、沟通等通通要靠呢一个小小屏幕完成，有时候真系眼花缭乱，无所适从。

同学 E：最令我激气嘅就系交功课嘅时候，网络突然卡住咗，又要重新做过。

同学 F：唔单止呀，分组讨论全部都系网上进行，学生上堂和课外活动都系「联网」学习。

同学 G：对于人类世界嚟讲，疫情对人与人之间嘅关系产生咗微妙变化。

同学 H：但对于怪兽家长嚟讲，疫情只会系佢哋新常态下另一个竞技场。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

【第二场】

(家中)

旁白 A：因为疫情不稳嘅关系，教育局限制只有部分学生可以回校上课，其他同学就要留系屋企上 ZOOM，上完一个上昼嘅堂就无所事事啦。

旁白 B：我唔会比我个小朋友无所事事，佢地中午补完中英数，下昼就学弹琴书法。夜晚就做网上功课同温默书。

旁白 C：冇错，疫情之下每日嘅行程都排得密密麻麻。因为社会对「未来栋梁」嘅要求好高，希望子女都十项全能，喺疫情下成绩都唔会落后于人。

爸爸：我系爸爸，「赢在起跑线」系我最钟意玩嘅一个游戏，拣个 BB 角色就可以比赛㗎啦，玩家就要从小培养佢成才……一出闸嘅时候……呀！唔系，喺一出世嘅时候，BB 就要快速成长啦，未学行就要学识带口罩揸书包，你睇佢地个个几咁精灵醒目呀，一定唔会系确诊 B！佢地带住口罩跑呀跑呀，谷晒啲成长基因出嚟，哗！打波跳舞、琴棋书画样样识呀！噏噏噏……最紧张嘅时刻到啦，究竟 3 只马仔……呀唔系，系 3 个人仔系龙系凤定系虫呢？呀！冲线啦！奖牌多到阿妈啲 face 返晒嚟呀！

妈妈：老公乜你个 Game 咁唔人道㗎，啲小朋友打波跳舞都带住口罩…

爸爸：咩呀，你有听过喺疫情下出门带口罩系「理所当然」；市民出入店铺量体温都变成「日常」，望子成龙系天经地义。

妈妈：就算冇疫情，我都系咁帮个女铺路㗎啦！宜家个个家长都系咁㗎啦！

婆婆：（对舒澄说）你妈咪以前唔系咁㗎，系做咗人阿妈先变成咁咋；疫情之下，佢更加紧张。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(婆婆望着远处，妈妈和舒澄进入另一场景)

妈妈： 阿女，起身食早餐啦！香肠加双蛋，食左就科科考 100 分。哗，你仲喺张床度呀，快啲快啲，快啲起身呀！

(舒澄在床上继续睡)

舒澄： 得啦。

妈妈： 阿女，你估我买咗咩比你？无错呀，就系网上补充练习试题库啦！集齐全港出版社，中英数常瓣瓣齐。

舒澄： 得啦，得啦，得啦！（起身着衫梳洗）妈咪，今个星期六呢我想去……

妈妈： (边帮忙边念念有词) 呀！今日放学后 3:00 你要去上**鼓班**，4:30 要上**数学解难班**，5:45 要学**英文拼音**呀，7:00 要去**学游水**……全部都系上网课，Zoom ID 同埋 password 已经按时编排打印好，钉咗喺书房嘅 notice board。

舒澄： 妈，乜上 Zoom 都可以学游水㗎咩？难道我要幻想个书房系游泳池？

妈妈： 喺新常态下屋企都可以变做模拟课室啦！

舒澄： 妈咪今个星期六，我想同啲同学去行山，呼吸吓新鲜空气，吹下泡泡，放下风筝！

妈妈： 唔得呀！星期六你个 Zoom training schedule 已排得密密麻麻，除咗返学，其他时间就乖乖哋留喺屋企，听讲隔离 B 座又有人『中招』啦！

舒澄： (发悔气地) 星期一中国舞拉丁舞，星期二跆拳道泰拳，星期三钢琴小提琴，星期四单双簧管加鼓班，星期五六日就得闲啲！补中英数常！妈，难道喺你眼中就只有呢啲？